

BILLETEN

IZDANJE #31

JUNI 2025

Strana 03

Učenici MSŠ Nordbat2 Vareš obilježili Dan planete Zemlje

Povodom Dana planete Zemlje, 22.04.2025. godine, učenici trećeg i četvrtog razreda MSŠ Nordbat2 Vareš s profesorima, imali su priliku provesti dan u prirodi i na zabavan način povezati svoje teorijsko znanje s praktičnim iskustvima, stvarajući okruženje za dublje razumijevanje važnosti zaštite životne sredine.

Strana 04

Adriatic Metals BH ugostio vijećnike Općinskog vijeća Vareš

Transparentnost i saradnja u fokusu

Strana 05

Dan otvorenih vrata

Veliko interesovanje kandidata



BESPLATNI LIJEČNIČKI PREGLEDI

POVODOM SVJETSKOG DANA ZDRAVLJA

Povodom Svjetskog dana zdravlja, 7. i 8. aprila 2025. godine, kompanija Adriatic Metals BH, u suradnji s Domom zdravlja Vareš, organizirala je događaj „Zdravlje na dohvati ruke“ za sve zainteresirane stanovnike mjesnih zajednica Borovica, Pržići i Daštansko. Cilj ove inicijative bio je podizanje svijesti o važnosti preventivne zdravstvene zaštite, te omogućavanje pristupa medicinskim uslugama.



Mjerenje krvnog tlaka

Stanovnici spomenutih mjesnih zajednica imali su priliku obaviti besplatan liječnički pregled, koji je uključivao mjerenje krvnog tlaka, nivoa glukoze u krvi, kao i elektrokardiografski pregled (EKG). Specijalistički timovi Doma zdravlja Vareš, predano su radili na informiranju i savjetovanju svih onih koji su se odazvali pozivu, naglašavajući značaj rane dijagnostike i zdravih životnih izbora.

Uz to, kompanija Adriatic Metals BH osigurala je prigodne poklon pakete za sve sudionike, koji su zajedno sa simboličnim korporativnim poklonima sadržavali i proizvode iz domaće organske proizvodnje, kao simbol zajedničke brige o zdravlju i podrške lokalnim proizvođačima. Adriatic Metals BH je i ovom inicijativom pokazao snagu zajedničkog djelovanja i pravih partnerstava u unapređenju kvaliteta života stanovnika lokalne zajednice.



Mjerenje nivoa glukoze u krvi

UČENICI MSŠ NORDBAT2 VAREŠ OBILJEŽILI DAN PLANETE ZEMLJE

Povodom Dana planete Zemlje, 22.04.2025. godine, učenici trećeg i četvrtog razreda MSŠ Nordbat2 Vareš s profesorima, imali su priliku provesti dan u prirodi i na zabavan način povezati svoje teorijsko znanje s praktičnim iskustvima, stvarajući okruženje za dublje razumijevanje važnosti zaštite životne sredine.

Radionicu „Tragovi prirode – Lov na blago“ su vodili predstavnici kompanije Adriatic Metals BH. Svaka aktivnost imala je edukativni karakter ili je bila povezana s temom Dana planete Zemlje, poput recikliranja, klimatskih promjena, naučnih eksperimenata i očuvanja prirodnih resursa. Pobjednički tim osvojio je vrijednu nagradu za školu Norbat 2, Vareš, koju je osigurala kompanija Adriatic Metals BH u saradnji s partnerima, Doper Tech i Mega Techno.




Ovom velikodušnom donacijom Adriatic Metals BH nastavlja s podrškom zajednici i učenicima u njihovom obrazovanju i razvoju, osiguravanjem prijeko potrebnih resursa.

ADRIATIC METALS BH UGOSTIO VIJEĆNIKE OPĆINSKOG VIJEĆA VAREŠ

Vareš, 8. travnja 2025. godine, kompanija Adriatic Metals BH ugostila je vijećnike Općinskog vijeća Vareš u sklopu organizovane posjete s ciljem jačanja transparentnosti, otvorenog dijaloga i saradnje između lokalne samouprave i kompanije.

Događaj je organizovao tim za odnose s lokalnom zajednicom Adriatic Metals BH, a delegaciju vijećnika su dočekali i vodili Sanela Karić, izvršna direktorica za korporativne poslove, te Paul Smallbone, izvršni direktor za operacije, koji su iskazali zadovoljstvo prisustvom vijećnika te predstavili okvir i svrhu planirane posjete, naglašavajući važnost međusobnog povjerenja i otvorene komunikacije.

Posjeta je započela sigurnosnom indukcijom, koja je obavezni dio svih posjeta rudarskim postrojenjima, čime je još jednom potvrđena opredijeljenost kompanije za najviše standarde u oblasti zaštite zdravlja i sigurnosti. Nakon toga, uslijedio je obilazak postrojenja za preradu rude.



U okviru obilaska, vijećnici su posjetili i lokaciju odlagališta na Veovači, koja se nalazi na mjestu nekadašnjeg otvorenog kopa starog rudnika. Prezentovani su im tehnički aspekti izgradnje jalovišta, kao i dugoročni planovi za ovu lokaciju. Završni dio posjete održan je u prostorijama upravne zgrade, gdje su predstavnici odjela za ljudske resurse održali prezentaciju o trenutnoj zaposlenosti u kompaniji. Predočeni su podaci o ukupnom broju uposlenih, procentualnom udjelu lokalne radne snage, te planovima za nova zapošljavanja u narednim fazama razvoja projekta.

Kompanija Adriatic Metals BH ovom prilikom još jednom je pokazala posvećenost otvorenosti, profesionalizmu i partnerstvu s lokalnom zajednicom i njеним institucijama.

DAN OTVORENIH VRATA, ODJEL ZA LJUDSKE RESURSE ADRIATIC METALS BH

Predstavnici odjela za ljudske resurse, Adriatic Metals BH, 04. aprila 2025.god., organizovali su Dan otvorenih vrata za sve zainteresirane kandidate koji žele postati dio tima. Događaj je održan u Informativnom centru kompanije u Varešu, a cilj je bio upoznavanje potencijalnih zaposlenika s aktuelnim potrebama kompanije i pružanje prilike za kratke uvodne razgovore.

Zainteresirani kandidati su mogli dobiti informacije o slobodnim radnim pozicijama, radnim uslovima i mogućnostima razvoja karijere unutar kompanije.

Pozivu na učestvovanje odazvao se veliki broj kandidata, što potvrđuje znacajan interes za rad u Adriatic Metals BH.

Dan otvorenih vrata još jednom je potvrdio opredijeljenost Adriatic Metals BH ka transparentnom i odgovornom pristupu u zapošljavanju, kao i kontinuiranom ulaganju u ljude kao ključni resurs za održiv i uspješan rad.




Veliko interesovanje kandidata

STATISTIKE ODJELA ZA LJUDSKE RESURSE

U Adriatic Metals BH, naš fokus i dalje ostaje na jakom partnerstvu sa lokalnom zajednicom. Prema statistikama zaključno sa 30.4.2025., ukupan broj zaposlenih u AMBH je 534, od čega su 241 (45%) zaposlena sa područja općine Vareš

Naši timovi su otvoreni za nove članove. U našem Info centru možete preuzeti informativni letak, pogledati otvorene pozicije i zahtjeve na istima i prijaviti se, ukoliko ispunjavate navedene uslove.



LIVING HISTORY PROJECT

Miloš Sadžak

Student Rudarskog fakulteta Prijedor

Za početak, možete li nam reći nešto više o sebi? Kako ste se odlučili da studirate geologiju?

Zovem se Miloš Sadžak, rođen sam 31.01.2002. godine u Prijedoru. Trenutno sam student četvrte godine Rudarskog fakulteta u Prijedoru Univerziteta u Banjoj Luci, smjer "Geološko inženjerstvo". Oduvijek su me zanimali prirodne nauke i tehničke oblasti, a geologija mi se učinila kao spoj izazova, konkretnih rezultata i značajnog uticaja na privredu. Također, mogućnosti koje nudi ova struka su bile jedan od faktora koji je odlučio da upišem rudarski fakultet.

Šta Vas najviše interesuje u oblasti geologije? Imate li određenu specijalizaciju ili oblast kojoj bi ste se želili posvetiti?

U oblasti geologije najviše me interesuje geotehnika zbog toga kako znanja iz geologije mogu da se primjene u građevinarstvu, posebno u analizi stabilnosti terena, izgradnji temelja i zaštiti od klizišta. Posebno mi je interesantno što je svaka lokacija drugačija i zahtijeva specifičan pristup. U budućnosti bih volio da se usmerim ka ovoj oblasti, jer verujem da ima ogroman značaj u savremenom društvu, kako za sigurnost ljudi, tako i za održiv razvoj.

Kako ste saznali za kompaniju Adriatic Metals BH? Da li Vam je neko preporučio ili ste se sami informisali?

Dosta informacija o kompaniji Adriatic Metals BH sam saznao na svom fakultetu, kroz promotivni materijal i kroz predavanja koja su zaposlenici kompanije održali na našem fakultetu.

Kakav je Vaš prvi utisak o kompaniji Adriatic Metals BH i njenom načinu poslovanja?

Adriatic Metals BH na mene ostavlja veoma pozitivan utisak – kao moderna, odgovorna i perspektivna kompanija. Posebno cijenim njihovu transparentnost i ulaganje u mlade kadrove.

Kako gledate na program stipendiranja koji kompanija provodi? Šta Vam to znači kao studentu?

Stipendija mi puno znači jer mi omogućava da se fokusiram na studije i motiviše me da dam svoj maksimum. Cijenim što kompanija uključuje u studente i pruža im priliku za razvoj.



Koliko Vam znači podrška kompanije Adriatic Metals BH u Vašem obrazovanju i profesionalnom razvoju?

Podrška Adriatic Metals BH mi mnogo znači jer mi daje sigurnost tokom studija i dodatnu motivaciju za usavršavanje. Osjećam da nisam sam u tom procesu i da neko vjeruje u moj potencijal.

Da li ste imali priliku da posjetite Vareš ili da učestvujete u nekoj aktivnosti koju organizuje Adriatic Metals BH? Ako jeste, kakvi su Vaši utisci?

Imao sam priliku da posjetim Vareš prilikom potpisivanja ugovora za stipendiju. Utisci su odlični, sve je bilo profesionalno organizованo. Nažalost nisam do sada imao priliku da učestvujem u nekim od aktivnosti koje organizuje kompanija ali se nadam da će u budućnosti biti dio tih aktivnosti.

Koje vrijednosti ili dobre prakse Adriatic Metals BH bi posebno istakli kao pozitivne?

Posebno bih istakao ulaganje u lokalnu zajednicu, podršku mladima kroz stipendije i profesionalan pristup radu.

Na koji način bi voljeli da saradujete s kompanijom u budućnosti – kao pripravnik, zaposlenik, istraživač...?

Zbog svega prethodnog što sam rekao volio bih da saradujem s kompanijom kroz pripravnički staž, a kasnije i kao zaposlenik. Takođe me zanimala i mogućnost istraživačkog rada, posebno ako postoji prostor za povezivanje fakulteta s realnim projektima.

Kako vidite sebe za pet godina? Koji su Vaši profesionalni planovi nakon završetka fakulteta?

Za pet godina vidim sebe kao stručnog inženjera koji radi na praktičnim projektima i doprinosi razvoju održivih rješenja. Planiram stalno usavršavanje i sticanje iskustva.

Kako ocjenjujete savremene pristupe u rudarstvu, posebno kada je riječ o sigurnosti, zaštiti okoliša i digitalizaciji procesa? Da li Vam se čini da domaće kompanije idu u tom smjeru?

Savremeni pristupi u rudarstvu, kao što su sigurnost, zaštita okoliša i digitalizacija, su ključni za održiv razvoj industrije. Smatram da sve više domaćih kompanija, uključujući i Adriatic Metals BH, prepoznaće važnost ovih aspekata i mnogo više radi na njima nego ranije, što je jako pozitivno.

Kakvo je Vaše mišljenje o ulozi rudarskih kompanija u razvoju lokalnih zajedница? Možete li navesti neki primjer dobre prakse?

Rudarske kompanije igraju veoma važnu ulogu u razvoju lokalnih zajednica kroz zapošljavanje, obrazovne programe i infrastrukturne investicije. Kao dobar primjer naveo bih kompanije kao što su Arcelor Mittal, Adriatic Metals BH, Lycos Balkan Metals koje aktivno podržavaju lokalne projekte, što doprinosi dugoročnom razvoju regije.



Dobitnik stipendije Adriatic Metals BH za 2025

Za kraj, imate li neku poruku ili savjet za buduće studente rudarstva?

Budućim studentima rudarstva i geologije poručio bih da budu uporni, značajniji i otvoreni za učenje, jer je ovo struka koja zahtijeva stalno usavršavanje i praktičan rad. Važno je povezivati teoriju s praksom i ne bojati se izazova jer rudarska industrija ima veliki potencijal za razvoj i inovacije.